



## Universitätsbibliothek Paderborn

### Metropolis Salisbvirgensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

**Hund, Wiguleus**

**Monachii, 1620**

Testimonium antiquiſſimum & canonicum; Ellenhardum Episcopum Frising. & Fundatorem Collegiatae Ecclesiae S. Andreae ibidem non tantum Catholicum fuisse, sed & miraculis claruisse. Ex antiquissima ...

**urn:nbn:de:hbz:466:1-13553**

cessores liberâ habeant potestâté tenendi, precariandi, commutandi, vel quidquid inde ad vtilitaté eiusdē ecclesie voluerint faciendi. Et vt hec nostra regalis traditio stabilis & inconuulsa omni euo permaneât hanc, scribi manuq̄ue propria subnotantes, Sigilli nostri impressione iussimus insigniri. Signum Domini Hainrici inuictissimi Regis, XV. regni vero VI. Actum Ratispone feliciter Amen.

**I**N nomine Sancte & indiuidue trinitatis, Hainricus diuina fauente clementia Rex. Omnibus Christi nostriq̄ue fidelibus, tam futuris quam presentibus notum esse volumus qualiter nos in presentia principum nostrorum, Gebhardi Salzburchen. Archiepiscopi, Ottonis Ratisponen. Episcopi, Welfi Ducis Buarie, ceterorumq̄ue fidelium nostrorum ex predio quod Salomon Rex Vngarorum nostre potestati subiugauit, sancte Dei genitrici virgini Marie in Ecclesia Frisingen. vbi corpus sancti Corbiniani requiescit rogato & seruitio eiusdem fidelis Episcopi Ellenhardi C. mansos, hijs locis sitos, ad Scheiriches Burgge, Chuniuglspunnen, Neuvndorf, Hasilovve, sicq̄ue de linthaha & Werthovve cum omnibus appendicijs, hoc est, vtriusque sexus mancipijs, arcis, edificijs, pratis, pascuis, vineis, terris, cultis & incultis, vijs & inuijs, aquis, aquarumq̄ue decursibus, Molis, molendinis, piscationibus, exitibus, & redditibus, questus & inquirendis, exceptis venationibus ex Wiltvanno in lachberge, alijs autem omnibus vtilitatibus in proprium tradendo firmauimus. Ea videlicet conditione, qua cum omnibus ex prefato predio donatis conuenimus, vt idem Frisingen. Episcopus Ellenhardus suiq̄ue successores in quolibet castello, specialiter in Misenburc muniendo pro hijs centum regalibus mansis nobis seruiant, & in alijs omnibus nobis fideles existant. Cuius tradicionis testes cartam presentem nostro iussu conscriptam nostra autem manu confirmatam Sigilli quoque nostri impressione insignitam cunctis seculis reliquimus. Signum Domini Heinrici inuictissimi Regis. Adalbertus Cancellarius vice Sifridi Archicancellarij recognoui. Data anno Domini M. LXXVIII. Ind. XIII. XI. Kal. Decembr. Anno ordinationis domini Heinrici IIII. regis XX. regni XVIII. actum Ratispone in nomine Iesu Christi Amen.

*Testimonium antiquissimum & canonicum; Ellenhardum Episcopum Frising.  
& Fundatorem Collegiate Ecclesie S. Andreae ibidem non tantum Catholicum  
fuisse, sed & miraculis claruisse.*

*Ex antiquissima scriptura copiatum & collationatum Per Decanum S. Andreae  
ibidem Andream Scherer, 15. mensis Septemb. Anno 1616.*

**A**NNO Dominice incarnationis Millesimo centesimo vigesimo nono, primo Kalend. Augusti. Collectis apud Lufen quampluribus Salzburchensibus, Frisingensibus, Ratisponensibus, Parauiensibus, Aistitensibus Ecclesiarum Clericis, *Hydystett* religiosis & literatis, insuper Abbatibus & Monachis & non modico Principum ac populorum Collegio; coram Archiepiscopo Salzburchensi Chounrado \* & Reginberto Brixienſi Episcopo; Inter cetera, Causa Ellenhardi Frisingensibus Episcopi iam dudum ante annos quinquaginta duos feliciter viam vniuersę carnis ingressi, ventilata est. Quia hoc ipse tempore Gregorij VII. qui & Hildibrandus, sub heresi Wicbertiana quibusdam defunctus esse putabatur, a prefato metropolitane sedis Archiepiscopo plus annos quinquaginta duos, quibus sine reclamacione canonica tam mortuis quam viuis verē Catholicus est

\* Est hic  
Chouura-  
dua huius  
nominis  
primus  
Archiepi-  
scopus.

est habitus, irrationabiliter est impetitus; cum utique duobus annis prius ipse de mundo excesserit, quam Wicbertus Hæresiarcha Romanæ sedis Cathedram inuaserit. Sed beati viri meritis exigentibus probabili septem probabiliū virorum testimonio canonice excusatus; immo meritorum prærogatiua & miraculorum attestatione venerabilis semper inuentus, reuerentiam quam apud Deum, & homines dudum viuens emeruit etiam mortuus Domino propitiante irrefragabiliter obtinuit. Probatum est itaque legitime ac canonico Rudolfi Abbatis Aistitensis testimonio, Diethmari S. Andreae Decani, Hannonis presbyteri, Chunonis Parochiani, Richeri presbyteri de Glane, cæterarumque venerabilium personarum, quod venerabilis idem Episcopus in gratia sedis Apostolicæ & communione matris Ecclesiæ indubitanter obierit. Ne ergo digna tantæ rei memoria vlla posterorum obliuione deleatur, placuit vt huius comprobationis notitia per literarum inditia posteris nostris transmittatur. Acta sunt hæc præsentibus subscriptis testibus & alijs quam pluribus. Abbas Salzbürgensis Paldricus, Abbas Scilensis Guntherus, Præpositus Salzbürgensis Hermannus Præpositus, Chimseensis Hartmannus Præpositus de Perchteres Kademan, liberuinus Præpositus de Garze, Hugo Præpositus de Ouue, Herilortus Præpositus de Cella, Burchardus Tagibertus Præpositus de Werda, Archidiaconus Patauiensis Rubertus, Præpositus Aistitensis Burchardus, Wernherus Canonicus Ratisponensis, Frisingenses Canonici, Adalpero Præpositus, Adalpertus Decanus, Wichmannus Præpositus S. Andreae, Henricus Scholasticus, ac Præpositus S. Viti, Herricus Præpositus S. Castuli, Hoholdus præpositus S. Zenonis, Waltherus Tridentinus Præpositus.

*Andreas Scherer Decanus pro tempore S. Andreae monastis Frisingensis in fidem se subscripsit m. p.*

**cc.** *MEGINWARDVS]* *M. S. Catal.* Hic anno Domini M, LXXVIII. XI. Cal. April. Frisingen. Ecclesiæ præficitur. Hic oppidum seu castrum nominatum Püttenberch XXX. libris comparauit, à quodam nobili Adalramo nomine. Hic etiam propter lucrandas Deo animas venit in Bohemiam, & ibidem populo prædicauit, & in fide instruxit ac confortauit, & Ecclesiam Cathedralē in Praag, & multas alias in Cerimonijs instituit. Tandem ad sedem suam Frisingen. redire cupiens, impeditus fuit: vnde ei contigit, quod ibidem diem suum extremum clausit, & in Praag est sepultus. Obiit An. Domini M. XCVIII. Quarto Calend. Maij. præfuit an. XX.

**dd.** *HENRICVS.]* *Chronic. M. S.* Anno Domini M XCVIII. Henricus de Eberstein Ecclesiæ Frisingen. IIII. Cal. Iulij præficitur Episcopus. Hic ob suam memoriam prædium in Eberdorff, & quidquid in Griess habuit, ad altare S. Mariæ in communem vsum fratrum ibidem Deo militantium tradidit, exceptis XX. hubis, quas pro sua parentumque & omnium \* debitorum suorum animabus ad altare S. Leonardi in vsum fratrum, & stipendium Christi pauperum, ad idem altare pertinentium destinauit, & multa alia bona Ecclesiæ fecit. Præfuit an. XXXV III. sepultus est in Capella S. Leonardi, tale habens Epitaphium: Anno Domini M. CXXXVII. septimo Idus Octobris, obiit Episcopus Henricus de Eberstein.

*Ex edit.  
Mar-  
quard.*

*Non præmittendum hoc loco est, quod Cosmas Pragensis Ecclesiæ Decanus,*

*ms,*